

Arctic Adventures
Straumhvarf hf.
Vatnagarðar 8
104 Reykjavík



UMHVERFISSTOFNUN

Snæfellsbær 31. maí 2016
UST201512-024/B.R.
09.07.01

Efni: Umsókn um leyfi fyrir atvinnustarfsemi í þjóðgarðinum Snæfellsjökli

Umhverfisstofnun hefur mótttekið erindi Straumhvarf hf. (Arctic Adventures), kt. 550405-0240, dags. 3. desember 2015, vegna umsóknar um leyfi fyrir atvinnustarfsemi í þjóðgarðinum Snæfellsjökli. Sótt er um leyfi til að fara með gönguhópa upp á Snæfellsjökul.

Þjóðgarðurinn Snæfellsjökull var stofnaður 28. júní 2001 og um hann gilda ákvæði 47. og 82. gr. laga um náttúruvernd nr. 60/2013 auk ákvæða reglugerðar nr. 568/2001 um þjóðgarðinn Snæfellsjökul, eftir því sem þau geta átt við. Umhverfisráðherra staðfesti verndaráætlun þjóðgarðsins Snæfellsjökuls 15. júní 2010 í samræmi við 22. gr. reglugerðarinnar.

Leyfi Umhverfisstofnunar þarf fyrir hvers konar atvinnustarfsemi í þjóðgarðinum. Ferðaþjónusta innan þjóðgarðsins skal skipulögð á grundvelli sjálfbærrar ferðamennsku, sbr. 17. gr. reglugerðar um þjóðgarðinn Snæfellsjökul. Öllum er skylt að ganga vel og snyrtilega um þjóðgarðinn. Ekki má spilla þar gróðri, trufla dýralíf né hrófla við jarðmyndunum. Úrgangi skal komið fyrir í sérstökum sorpílátum, enda er óheimilt að fleygja úrgangi eða grafa hann, sbr. 7. gr. reglugerðar nr. 568/2001.

Í þjóðgörðum eru allar athafnir og framkvæmdir sem hafa varanleg áhrif á náttúru svæðisins bannaðar nema þær séu nauðsynlegar til að markmið friðlýsingarinnar náist sbr. 3. mgr. 47. gr. náttúruverndarlaga nr. 60/2013. Ráðgjafarnefnd þjóðgarðsins Snæfellsjökuls kom saman þann 17. mars 2016 og fundaði um stöðu ferðaþjónustu innan þjóðgarðsins. Nefndarmenn voru allir sammála að marka þurfi skýra stefnu um atvinnustarfsemi innan hans í samræmi við reglugerð sem gildir um þjóðgarðinn. Vinnu við stefnumörkun er ekki lokið en á fundi ráðgjafarnefndar kom fram að til að hægt væri að heimila atvinnustarfsemi innan svæðisins þá þyrftu innviðir að geta borið þá aukningu sem ný þjónusta leiði af sér.

Lýsing:

Straumhvarf hf. (Arctic Adventures) sækir um leyfi til að fara með gönguhópa uppá Snæfellsjökul. Skipulagðar ferðir eru einu sinni á dag, tvisvar í viku í júní, júlí og ágúst. Ekið er á bílum upp að snjólinu við Jökulháls (vegur nr. 570) og þaðan er gengið uppá topp Jökulsins. Bílum er lagt á malarkafla til hliðar við veginn. 8 gestir eru á hvern leiðsögumann en bókist fleiri í ferð fer annar leiðsögumaður með, einkaferðir eru einnig í boði. Fyrirtækið ráð fyrir um 200 gestum alls á tímabilinu.

Áhrifamat:

Gangandi fólk er heimil för um þjóðgarðinn. Fylgja skal merktum gönguleiðum, en annars hefðbundnum gönguleiðum sem við verður komið eða þá fyrirmælum starfsmanna þjóðgarðsins, sbr. 6. gr. reglugerðar nr. 568/2001. Umhverfisstofnun telur að gönguhópar upp á Snæfellsjökul komi ekki til með að skerða verndargildi þjóðgarðsins enda verði þeim skilyrðum sem Umhverfisstofnun setur fyrir leyfinu fylgt.

Niðurstaða:

Umhverfisstofnun veitir, Straumhvarfi hf. (Arctic Adventures), kt. 550405-0240, fyrir sitt leyti leyfi til að vera með gönguleiðsögn í atvinnuskyni innan þjóðgarðsins Snæfellsjökuls. Með tilliti til þess að unnið er að nýrri ferðamálastefnu þjóðgarðsins, niðurstöður þolmarkagreininga liggja ekki fyrir og bygging innviða er ekki lokið verður leyfið gefið út til tveggja ára að uppfylltum eftirfarandi skilyrðum:

- Umgengnisreglum þjóðgarðsins Snæfellsjökuls samkvæmt reglugerð nr. 568/2001 verði fylgt og þær kynntar fyrir viðskiptavinum.
- Reglum um akstur á jöklum og snævi þakinni jörð verði fylgt í hvívetna.
- Öryggisáætlun vegna slysa á fólki og mengunarslysa, liggja fyrir eigi síður en 1. júlí 2016.
- Viðbragðsáætlun vegna slysa á fólki og mengunarslysa, liggja fyrir eigi síður en 1. júlí 2016.
- Í lok árs skal skila skýrslu til Umhverfisstofnunar með yfirliti um störf fyrirtækisins á hinu friðlýsta svæði. s.s fjölda ferðamanna, fjölda ferða og annað er varðar áhrif starfseminar á hið friðlýsta svæði.
- Umhverfisstofnun skal tilkynnt um öll frávik frá áður útgefinni verkefnalýsingu.
- Ganga skal vel og snyrtilega um þjóðgarðinn og fylgja þeim öllum þeim lögum og reglum sem um þjóðgarðinn gilda.

Umferð á vélknúnum ökutækjum í þjóðgarðinum er ferðamönnum aðeins heimil á vegum og bílastæðum. Akstur vélknúinna ökutækja á jökli háð leyfi þjóðgarðsvarðar, sbr. 15. gr. reglugerðar nr. 568/2001.

Eftirlit:


Starfsmenn þjóðgarðsins Snæfellsjökuls sinna reglubundnu eftirliti á svæðinu. Umhverfisstofnun innheimtir gjald fyrir eftirlit, 11.900 kr. samkvæmt gjaldskrá stofnunarinnar, nr. 535/2015 frá 16. júní 2015.

Kæruheimild:

Umhverfisstofnun, með vísun í VII. kafla stjórnslulaga nr. 37/1993, bendir á að heimilt er að kæra ákvörðun Umhverfisstofnunar til æðra stjórnvalds. Kæra skal borin fram innan þriggja mánaða frá því að aðila máls var tilkynnt um ákvörðunina. Beina skal kæru til umhverfis- og auðlindaráðuneytisins

Virðingarfyllt


Kristín Linda Árnadóttir
Forstjóri


Birna Heide Reynisdóttir
Sérfræðingur svið náttúru